



The Office Of The Principal and Vice - Chancellor

**U-PROF MANDLA MAKHANYA, PHRINSIPALA KANYE NESEKELA
LIKATJHANSELA**

IYUNIVESITHI YESEWULA AFRIKA

ISIKHUMBUZO SOKUTLIKITLWA KWE-MOA YEMINYAKA EMI-3

PHAKATHI KWE-UNISA KANYE NE-NEMISA

OR TAMBO BUILDING, 13TH FLOOR, VIP LOUNGE

13 KUMRHAYILI 2019

I-Unisa, njengeziko lezefundo elikhamba phambili e-Afrika neSewula Afrika, iyazikhakhazisa ngokutlikitla iMemorandamu yesiVumelwano seminyaka emi-3 ne-NEMISA. Ukusisa ngaphakathi kwelwazi mayelana nokwenza ngobutjha – okubizwa nangokuthiwa yi-K4i – kukhambisana kuhle tle neenhloso zamaqhinga weYunivesithi yethu.

I-K4i itjheja irhubhululo elimayelana namakghonofundwa wehlelo lekhomphyutha. I-NEMISA kanye neHlelo leSewula Afrika lamakghonofundwa wehlelo lekhomphyutha banqophe ukufaka amakghonofundwa weHlelo lekhomphyutha emaphilweni wamaSewula Afrika... mayelana nokuzithuthukisa wena kanye nokuthuthukisa umphakathi, ukulingana ngokomnono, umsebenzi kanye namathuba wokusungula amabhizinisi, kanye nokuba nephaliswano elihle.

Ingasi bona i-Unisa iliziko lokufunda usekhaya kanye nokufunda ngamahlelo wekhomphyutha enarheni yoke kwaphela; ukusebenza kwayo kulawulwa yi-ICT. Enye yeendawo eziqakathekileko zerhubhululo kuthuthukisa ithekhnoloji yelwazi nokuthintana (okubizwa ngokuthiwa yi-ICT4D). I-ICT4D itjho ukusetjenziswa kwama-ICT mayelana nokuthuthukisa okunqotjhwe ekwenzeni ngcono ubujamo babantu. I-ICTD4 ingenye godu yamaphrojekthi werhubhululo amahlanu we-Unisa aqakatheke khulu.

Irhubhululo le-Unisa litjheja:

- ukukhiqiza ilwazi nokuthuthukisa imali ebantwini ngokukhambisana neendingo zeSewula Afrika kanye nenarhakazi ye-Afrika.

- ukuthuthukiswa kwentando yenengi, amalungelo wobuntu kanye nobulunga belizwe obunokuziphendulela
- ukwenza izinto ngobutjha nokwakha amakghono kusayensi nakuthekhnoloji
- ukwenza zomnotho nezebhoduluko ziragele phambili
- ifundo yokufunda usekhaya evulekileko

Kutjhatjhalazi bona irhubhululo elimayelana namakghonofundwa wehlelo lekhomphyutha liyingcenywe yalokhu okutjhejwe khulu.

Ukusebenzisana namkha ukubambana ne-HEMISA mayelana ne-K4i kujamele ukubambana kwamambala. I-K4i iyindawo yeRhubhululo ehlangene nehlelo lamakghonofundwa wehlelo lekhomphyutha elizweni loke ngokwe-NEMISA ewela ngaphasi komNyango wezokuThintana kanye nemiSebenzi yePoso (i-DTPS).

Irhubhululo kumakghonofundwa wehlelo lekhomphyutha lifaka hlangana abalingani abambalwa. Amanye amayunivesithi weSewula Afrika alithoba ayingcenywe yethungelelwano lephrovinsi le-NEMISA begodu amayunivesithi la anikele amakghonofundwa wehlelo lekhomphyutha i-CoLabs indawo. Ama-CoLabs wePhrovinsi la adlala iindima ezinengi begodu lokhu kufaka hlangana irhubhululo. I-K4i inikela

ukuhlela kanye neyeleliso mayelana nerhubhululo lamakghonofundwa wehlelo lekhomphyutha elizweni loke. Njengephiko le-Unisa lerhubhululo lamakghonofundwa wekhomphyutha, i-K4i inqophe ukunikela ngemiphumela mayelana nobufakazi obumayelana nokuthatha iinqunto.

I-Unisa iyazikhakhazisa ukusebenza kilelibhoduluko elinabahlanganyeli abahlukahlukeneko, ukutjengisa bona irhubhululo kanye nokubambisana bangasebenza baragelise iSewula Afrika phambili. Amakghonofundwa wehlelo lekhomphyutha we-CoLabs akilamayunivesithi alandelako:-

- IYunivesithi yeTjingalanga-Kapa
- IYunivesithi i-Durban University of Technology
- IYunivesithi ye-Walter Sisulu
- IYunivesithi yeLimpopo
- I-Vaal University of Technology
- IYunivesithi yeTlhagwini-Tjingalanga (North-West)
- IYunivesithi yeMpumalanga
- I-Central University of Technology

Kwamambala i-Unisa ithokozela bona i-NEMISA ikhethe yona ukobana idose phambili irhubhululo lamakghonofundwa wehlelo lekhomphyutha.

Kuyakhanya ngokomsebenzi osele wenziwe – yi-Unisa kanye namanye amaziko wezeFundo – ukobana amaziko wefundo ephakemeko anendima eqakathekileko okumele ayidlale ekuthuthukiseni iSewula Afrika. Asisezeziindawo eziziinkomo ezidla zodwa ezigada ilwazi kodwana sibadlalindima abaqakathekileko abanikela kuhle emphakathini. Asisebenzi sisodwa. Njengombana kubonakele emsebenzini osele wenziwe yi-K4i, sisebenzisana nombuso, umphakathi, iimfundiswa kanye nebhizinisi.

Amandla womsebenzi werhubhululo le-K4i njengengcenywe yemizamo epheleleko yamakghonofundwa wehlelo lekhomphyutha kudosele emandleni wamakghonofundwa wehlelo lekhomphyutha akhulako... kiwo woke amazinga ... ngaphakathi kweSewula Afrika. Amakghonofundwa wehlelo lekhomphyutha aqakathekile nangabe iSewula Afrika izazibandakanya ngokuzeleko ePini yeSine yepucuko. Irhubhululo ngaphakathi kwamakghonofundwa liqakathekile nangabe sizakuba neenqunto esizithatha ezisekelwa bufakazi mayelana nehlelo lamakghonofundwa wehlelo lekhomphyutha.

Sithokoza i-NEMISA kanye nabo boke abahlanganyeli ngomsebenzi osele wenziwe bekube nje. Sithanda godu ukuthokoza i-NEMISA ngesekelo eliragela phambili nethemba abanalo ku-Unisa. Isivumelwano i-MoA sitjengisa bona i-NEMISA ibuyelele imali kabili mayelana nomsebenzi owenziwe yi-K4i ne-Unisa.

I-NEMISA ingezelele isikhwama semali ukusukela eengidini ezi-R5.85 mn eminyakeni emibili edlulileko ukobana isise iingidi ezisi-R6.1 mn kilomnyaka ozako. Lokhu kutjengisa bona sinikela ngehlelo elikhamba phambili kanye namakghonofundwa aqakathekileko womhlobo omkhulu wamakghonofundwa wehlelo lekhomphyutha.

Sisoke – nabo boke ababambisani – sizakuragela phambili nokukhulisa ituthuko yeSewula Afrika kanye nabantu bayo.